

Orang-orang kita sekarang kerana cinta kepada kemerdekaan dan kerana mau merdeka sudah cakap terus terang bilang agama belakang merdeka mesti dahulu, kita percaya orang taat kepada hukum Allah agama dahulu kerana daripada agama itu baharu boleh merdeka sebabnya kalau merdeka tidak ada agama sudah tentu merdekanya terus.....terus.....sampai ke mana terusnya

T.S.T. kerana belum merdeka lagi sudah buat banyak perkara merdeka. Loteri merdeka, pasar ada dan, dan.....-begitu kalau merdeka nanti tidak dengan sertanya agama atau agama tinggal belakang.

"Hal agama itu akan terbiar lebih-lebih lagi nanti kalau Ah Chong dan Punusami sama-sama mereka mau agama mereka pula jadi agama rasmi sebab mereka ada hak bersama-sama di dalamnya, Ah Chong bilang agama mereka bagus dan mereka ada universiti mereka sendiri nanti untuk memberi faham kebudayaan mereka yakni supaya Melayu masuk kebudayaan Cina. Kalau jadi begitu kesal bukan? Kita hanya beri ingat "buat baik berpada-pada" kepada "sahabat" yang dari semasa ke semasa berikhtiar mengambil hak-hak siayash Melayu di dalam negeri ini. Jangan nampak harapan yang besar sahaja sedang kepada kita nanti habis. Kalau sudah begitu baharu malu bilang "sudah salah jalan" bukankah kalau sudah terlajak baharu menyesal tidak ada faedahnya?

Sepatutnya guru-guru Melayu yang menyetujui rancangan Friesby berpuas hati mendengar bahawa anak-anak kita Melayu di sekolah-sekolah Melayu di Singapura tiada diajar lagi dengan tulis Jawi "Syukur" fikir orang-orang anti tulisan Jawi tetapi orang yang berpegang kepada huruf itu dengan melihat apa yang ada di sebalik tujuan itu akan mencurahkan air mata. Bukannya huruf dan kebudayaannya akan hilang tetapi juga bahasanya akan hucus dan akan "tidak senonoh" lagi. Kalau di Singapura sudah tidak lagi sekolah Melayu itu diajarkan huruf Jawi lebih baik terus sahaja sekolah itu dijadikan sekolah Inggeris. Kerana bahasa Melayu pun sangatnya diberi tidak seberapa lagi. Dengan ini mereka-mereka yang mempersetujukannya tau ke mana bangsa kita akan pergi. Bagaimanalah keadaannya kalau orang gopoh-lupa kepada peringatan pepatah sendiri "fikir dahulu pendapat sesal kemudian tiada ada gunanya..."

Tuan Haji Hussin pegawai penerangan UMNO dikatakan berkata bahawa perpaduan UMNO-M.C.A. Suatu ilham daripada Allah

kalau ilham tentulah maksudnya suatu rahmat daripada Tuhan-kalau begitu orang-orang Cina yang menuntut dan merebut hak-hak di negeri kita ini – mau bersatu dengan kita untuk memfaraid bersama-sama di negeri ini suatu rahmat? Janganlah hendaknya pakai "ilham-ilham mana" sebab nanti orang boleh bilang juga loteri diadakan dahulu pun ilham juga sandiwara ilham juga.-apa fikir pembaca-pembaca?

Di dalam jawapan yang diberi kepada seorang yang bertanya tentang apakah perbezaannya di antara Masyumi dengan UMNO maka "halaman penerangan daripada suara UMNO" menyatakan "bahawa pada nisbah kedudukan Indonesia dengan Malaya adalah lain dengan sebab itu mestilah ada perbezaan.

Jikalau Tuan ahli UMNO tentu tuan tau memang ada di dalam UMNO ahli-ahli dari rakyat Malaya yang beragama lain (ahli bersekutu)" kalau kita perhati jawapan ini tidak betul jawab berlebih-lebih. Perbezaan yang benar bahawa Masyumi dasarnya ialah Islam. Berjuang mengikut perintah Allah – menegakkan sebuah Negara Islam dan yakin kepada kebolehannya dengan bantuan Allah – tetapi UMNO tidak berdasar Islam malahan menjadikan Islam itu pemikat supaya orang Islam

menyokongnya kerana tidakkah pernah dikatakan Tengku Abdul Rahman telah memberitahu kepada setiausaha agung Masyumi dan Tuan Zainal 'Abidin bin Ahmad bahawa UMNO hanya mempunyai juangan agama. Itu pun hanya untuk menarik perhatian umat Islam supaya bersatu di dalam

UMNO. Adakah ini satu fitnah sahaja sebagaimana yang biasa dibuat oleh pegawai penerangan UMNO? Terang-terang bilang UMNO tidak berdasar agama bukan lebih baik daripada mencampur-campurkan agama dengan kelakuan dan perbuatan yang asi?

Tiap-tiap orang tidak sefaham dengan UMNO tentang usaha mau merdeka bersama-sama orang Cina. Sebab itu banyak orang di luar UMNO menyangka dan syak atas langkah itu takut dengan tidak disedari nanti akan menyerahkan atau menjual tanah air kepada Cina kalau orang tidak percaya dan tidak menyetujui langkah UMNO bekerjasama dengan Cina itu apa orang itu musuh rakyat jelatakah? Apakah rakyat jelata itu dikehendaki Cina-Melayu atau Melayu sahaja kita berfaham rakyat jelata ialah Melayu tidak campur Cina! Dan sebab itu kita anti bekerjasama dengan Cina – pada pandangan kita bahayanya besar daripada faedahnya. Kalau kita berfaham begini adakah kita dituduh mau jual bangsa. perkakas atau pun buat hasutan. Ingat-ingat jangan tuduh orang jadi perkakas..... tuduhan itu kalau-kalau nanti terbalik.....jika UMNO jadi perkakas Cina bagaimana-apa kata pembaca??? – Cemeti al-Farouk.

